

E au tauturu akaou teia, mei ko mai i te Minitiri o te Rapakau

- E \$50.00 akaou teia tei kapiti ia mai (tei roto katoa te GST) no te au tamariki te ka a'ao i te fereimi titia o te aronga mamaata
- Penei, ka rauka katoa ia koe teia moni tauturu no te tutaki, me kore ra, no te au akaou'anga i te titia o taau potiki, mei te mea e, te kino viviki aere atura tona mata, me kore ra, kua tu ia aia e te amblyopia (ka kope te mata i te puera mai), me kore ra, i te strabismus (ka piripiri ua te mata me akara mai)
- E uriuri manako koe ki toou tangata akara mata e te maani titia, no tetai au tuatua akakitekite akaou mai no teia moni tauturu te ka kapiti ia mai.

Me manamanata kino ake koe i tetai tuatau no te turanga akara, me kore ra, no te mata o taau potiki, e aravei atu koe i toou taote, i toou tangata akara mata e te maani titia, me kore ra, e aere koe ki ko i to kotou are maki.

No tetai au tuatua akakitekite akaou mai no teia, akara ia atu te

Enable
NEW ZEALAND

Tereponi tutaki-kore: 0800 17 1981

I-mere: enable@enable.co.nz

Roro uira atuitui: www.weka.net.nz

Ka rauka mai teia pepa akakitekite tuatua i roto i te reo Maori Nu Tireni, te reo Maori Kuki Airani, te reo Samoa, reo Tonga, e te Tuatua Akatutu Rima (Sign Language) a Nu Tireni, mei runga mai i te:
<http://www.moh.govt.nz/disability>

HP 4788

© Ministry of Health 2009

New Zealand Government

Te moni tauturu kapiti mai (subsidy) no te akara'anga kia tau meitaki te titia, e te mata katoa

(Te Moni Tauturu Kapiti Mai no te Titia)

o te tamariki 15 mataiti aere atu ki raro



Te Akapapa'anga Basileia o te Tuanga Oronga Tauturu a te Rapakau e te Putuputu'anga Pakipakitai

Eaa te au tuanga ta teia moni tauturu kapiti mai ka tutaki?

Na te Moni Tauturu Kapiti Mai no te Titia (Spectacles Subsidy) e tauturu i te tutaki i teia au tuanga te ka raveia no taau potiki:

- no te akara'anga ia tona mata
- no tona au titia (te au fereimi e te au io titia, me kore ra, me kino ake te titia e ka maani akaou ia), me kore ra, no tetai au paruru tapoki mata.
- Ko te maata o te moni te ka oronga ia no te tutaki, e \$281.25 (tei roto katoa te GST).
- Ka akaki te tangata akara mata e te maani titia, me kore ra, te tangata rapakau maki o te mata, ma taau tauturu katoa, i tetai pepa akaki, ka tuku atu ei e ta ratou pira kaiou, ki ko i te kopapa Enable New Zealand. Naau i reira e akatae i te toe o te moni kaiou.
- Me ka anoano ia ake, ka rauka akaou mai teia moni tauturu kapiti mai me pou te 12 marama, no tetai potiki akaou mai i roto i te ngutuare, tei tau tona turanga no teia tuanga moni tauturu.
- No tetai au tuatua akakitekite akaou mai no teia, kapiki ia atu te Enable New Zealand na runga i te numero founu tutaki-kore, 0800 17 1981.

Koai ma te ka rauka ta ratou Moni Tauturu Kapiti mai no te Titia (Spectacles Subsidy)?

- Ko tetai ua atu i taau anau tamariki, e 15 o ratou mataiti, aere atu ki raro.
- INA RA, MEI TE MEA UA E, e kati Community Services taau, me kore ra, ta taau potiki, e kare i pou ake te tuatau (current), ME KORE RA, e High Use Health Card, ta taau potiki.

Me kare e rauka ia koe te moni tauturu kapiti mai, e komakoma atu koe ki toou tangata akara mata e te maani titia, ki toou taote, me kore ra, ki te apii a taau potiki, no tetai au tauturu ke atu e vai ra, te ka rauka mai noou.

Penei, ko teia tetai au ravenga:

- te au moni kaiou te ka rauka mei roto mai i te Work and Income.
- te ravenga turuturu a te au pupu tauturu o te oire.

Me ka anoano ia ake tetai titia no taau potiki, ka aere koe ki ko i te tangata akara mata e te maani titia (optometrist), me kore ra, ki tetai o te aronga maani titia (optician), i te tiki i tetai titia no taau potiki. Kare teia e rauka mai mei ko mai i te are maki.

Te ravenga e rauka mai ei te tauturu no taau potiki

E ringi koe i te tangata akara mata e te maani titia (optometrist), me kore ra, i te tangata rapakau maki o te mata (ophthalmologist), ME KORE RA, te are maki, no tetai tuatau papu (appointment) kia akara ia te mata o taau potiki.

Te tangata akara mata e te maani titia (optometrist), me kore ra, te tangata rapakau maki o te mata (ophthalmologist)

- E akara koe ki roto i te au kapi rengarenga o te puka founu, no tetai tangata akara mata e te maani titia, o to kotou oire.
- Tei roto i te tuanga mua o taau puka founu te au numero founu o te aronga rapakau maki o te mata.
- Me ringi koe i te akanoo i tetai tuatau papu no taau potiki kia akara ia tona mata, e ui katoa atu koe ki te tangata akara mata e te maani titia (optometrist), me kore ra, ki te tangata rapakau maki o te mata (ophthalmologist) e, me ka rauka iaia te pati i te moni tauturu kapiti mai (subsidy) no teia.
- E akapapu koe i te moni tutaki no te akara i te mata o taau potiki no te mea, ko tetai tuanga katoa teia o te moni tauturu te ka kapiti ia mai.

Te tuatau papu no te rave'anga i te akara'anga ki ko i te are maki

- Penei, ka rauka ia koe i te apai i taau potiki ki ko i te are maki raveia ai te akara'anga i tona mata. Tena tei roto i te tuanga mua o te puka founu te numero founu o te are maki.
- Penei, ka roa te tiaki'anga kia va mai tetai tuatau papu no te kave atu i taau potiki kia akara ia, no te maata o te aronga tei anoano katoa i tetai tuatau papu no ratou.